

Tã îgĩ-îgĩ Póólô kâ Títô drí Títô

Tã 'è'á zîlâ nîlî sîsî rî

Wárägã nô gólâ Póólô drí îgílî Títô drí gō'dá kpá wárägã drílâ îgílî trá Tímátíyã drí rî bê rî'á 'dó ãnyî 'èlé trá gólâ rî fûlî rî 'á. Gólâ îgĩ wárägã 'dî 'bá yî gólíyî drí, tãlâ òsô ró fãfã gólíyî 'á lôsî gólíyîkâ tã âtî-âtî Yésũ rî tãsî rî pēpē lâ kâ 'á gō'dá kpá tã lē 'bá gólíyî ó'dí rî 'bá yî vó lâ îyî ndrêlê dódó.

Sîsî rî, Títô pâ Póólô trá Ēfésô 'álâ, gō'dá kpá Kōrínitô 'álâ. Gō'dá Póólô òtírî wárägã nô îgĩ rî, Títô rî'á 'bã drí Kĕrétê kâ rî 'álâ, drî-'bá êpē'á krístô 'bá ó'dí gólíyî jãrîbã ngíngî 'ásî rî 'bá yî drí, gō'dá kpá látî â'dá'á gólíyî drí â'dózó âmbâ-âmbâ ró tã lēlē îyîkâ 'á. Tã ònyîkô bê rî'á dũ krístô 'bá 'dî 'bá yî lâfálé.

Ītî rî, gō'dá Póólô âtâ tã Títô drí drí-mbílî sölê òkó âmbâ-âmbâ lîfî tã ngōngō tãsî gō'dá kpá òdrá mvũmvũ tãsî, gō'dá òkó mvá drí 'bã îyîkâ vó lâ ndrêlê dódó, gō'dá kpá ágó lâ yî ñnjîlî. Gō'dá ägô äâ'dô kô òvó ró, gólíyî drí rîlî rîrî mbî sî.

Póólô â'dá kpá látî gólâ 'ézó drî-'bá gólâ rî 'bá rîrî mbî sî rî njîlî rî Títô drí òzô nôô tí. Gólâ kî, drî-'bá gólâ Títô drí 'è'á njîlâ rî, òkó bê ãlô gō'dá ãâyî òkó äzâ bê kô. 'Diyímvá gólíyîkâ äâ'dô tã rōrō bê átá lâ yî drí ândré lâ yî bê. Gólíyî äâ'dô òjîlâ gólíyî òjîlâ äzî drí rî'á ñnjîlâ rî 'bá yî 'î'dî. Gólíyî ñnjî lîfî äzî-äzî drí kô, gō'dá òdrá òcî gólíyî kpá rōô kô. Gō'dá gólíyî äâ'dô âdî lôvó bê rōô kô. Gólíyî drí kpá îcálé tã tã lēzó rî òjálé òjîlâ gólíyî tã lē 'bá kô rî 'bá yî bê, gō'dá kpá tã lē 'bá yî îmbálé dódó. Póólô âtâ kpá kî, Títô òsô

drì-mbíli òjílã gólìyì tã àtá 'bá kí'á nĩ rĩ, krístõ 'bá yì ò'è kਪá lã'bí Yúddã yí kã rĩ 'bá yì lífí.

Nĩ à'dô tã Títõ rĩ tãsĩ rĩ àmbá lâ úsú'á Gálátíyã kápítã 2 'á, 2 Kõrínítõ kápítã 2 'á gõ'dá kਪá kápítã 7 'á.

¹⁻⁴ Mã Póõlõ rũ ì'bũ 'bá Ôvãrí kã ró gõ'dá kਪá lãjõ'bã Yésũ Krístõ kã ró rĩ ì'dí, má ìgĩ wárãgã nõ nĩ ní drì Títõ, nĩ trá rĩ'á òzõ àmã mvã nyãányã pãtĩ rĩ tí, tãlã àmã ní bê kਪãrãtĩ lẽ tã trá Ôvãrí 'á pĩpĩsĩlĩ àlõ sĩ. Ôvãrí jõ mã trá mbãràkã sölẽ òjílã gólìyì Ôvãrí drì njĩlí òjílã íyíkã ró rĩ 'bá yì 'á gólìyì 'bãlẽ à'dólẽ mbãràkã bê gãrã tã lẽlẽ íyíkã 'á. Gólã lẽ mã drì gólìyì ìmbálẽ tã pãtĩ gólã gólìyì 'bã 'bã tã mbì gólã rĩ 'è 'bá àyìkõ ró rĩ 'èlẽ rĩ, nĩlĩ ì'dí. Ítí rĩ, gólìyì à'dõ nĩ'á lâ kí, yì à'dõ rĩ'á Ôvãrí bê zãã gbãdú. 'Dĩ rĩ'á tã gólã drì 'bãlẽ trá 'èlẽ àmã drì drẽ àkpãkã'dã sísí gólã 'bãã àngõ nõ kõ rĩ ì'dí. Mã nĩ trá kí, gólã àdõ ònjõ kõ. Ngbããngbãnõ kãpĩ ìcã 'bã rĩ sĩ, Ôvãrí àmã pã 'bã ró rĩ à'dã tã íyíkã trá àmã drì. Gõ'dá ìtí rĩ, gólã àfẽ tã àtĩ-àtĩ íyíkã trá mã drì pèlẽ àzĩ-àzĩ àzã 'bã yì drì, òzõ drìlã 'bãrẽ lâ trá mã drì 'èlẽ ìtí rĩ kãtí. Àmã átã Ôvãrí gõ'dá Yésũ Krístõ àmã pã 'bã ró rĩ òfẽ òrẽ ní drì tã ã'dí bê.

Tã drì-'bã kãñĩsã kã rĩ 'bã yì tãsĩ

⁵ Mã àyẽ ní drẽ àkpã 'bãdrì Kèrètẽ kã nã 'álã, tãlã ní ndẽ ró lõsĩ àmãkã tólã nã bê, gõ'dá ní lãmũ ró bê nĩ'á drì-'bã èpẽ bê kãñĩsã drì jãrĩbã 'ásĩ cé tĩtĩ, òzõ mã drì àtálẽ trá ní drì 'èlẽ rĩ kãtí. ⁶ Rĩrĩ òjílã gólìyì ní drì èpèlẽ drì-'bã kãñĩsã 'dĩ 'bã yì kã ró rĩ kã ìcã trá à'dólẽ òzõ nõõ kãtí, 'dõvõ òjílã rĩ ní drì njĩlí trá à'dólẽ drì-'bã ró rĩ, gólã à'dõ cú ìtí tã ànyã 'è àkõ, tãlã òjílã òzõ tã ònjĩ àzã úsú gólã ngã lésĩ kõ. Ítí rĩ, 'dõvõ gólã àã'dõ òjílã gólã cé òkõ bê àlõ rĩ ì'dí. Mvã lá yì àã'dõ kਪá tã lẽlẽ bê Yésũ 'á, gõ'dá rĩrĩ mvã lá yì 'dĩ 'bã yì kã àã'dõ mbìmbì ró cú ìtí tã gólìyì ànyĩ kã

rî 'bá yî 'ê ákó, gō'dá kpá gólîyî ññjî ÿyî átá yî ÿyî ândré yí bê. ⁷ Õjílâ rî gógó ní drí njílí â'dólé drî-'bá ró 'dî òrî cú ìtí tã ònjí 'ê ákó, tãlâ lôsî drî-'bá kãñísã kã rî kã rî'á rílí lôsî gólâ Ôvârí kã rî vó lâ ndrĕlé.* Ìtí rî, gólâ ò'bã òjílâ yí zĕlé rî 'bá yî kô mbârâkã sî tã ñsũ íyíkã rî 'bá yî 'ĕlé, òzô yí drí ñsũlî rî kâtí. Gō'dá ò'bã yî kô òdrá drí cîlí, ññjî lîfî ázî-ázî drí kô. Gólâ ãã'dô kô lâfâ lôvó bê yí drî.

⁸ Bê-rî 'dôvó gólâ ãã'dô òjílâ gólâ ùmú ró yí drí 'bã 'á rî lôvó lâ 'bã 'bá ró. Gō'dá rîrî gólâkã ãã'dô ññjî-ññjî lâ ró. Gō'dá gólâ ãã'dô òjílâ tã mbî 'bá ró tã gólîyî Ôvârí kã ró rî rî'á 'ĕlá ì'dî. ⁹ Gólâ ùrú tã âtî-âtî pãtîjî Ôvârí kã gágã, â'dô ìmbálé gólâ drí rî vó ró. Òzô gólâ ò'ĕ trá ìtí rî, gólâ â'dô ícá'á cú ìmbâlâ dódó ázî-ázî drí, tãlâ gólîyî ò'bã ró tã lĕlĕ bê tã pãtîjî ró rî 'á. Gō'dá gólâ â'dô kpá ícá'á tã lôgólé mbî òjílâ gólîyî rû jã 'bá trá tã pãtîjî rî rû, gō'dá tã lĕ 'bá tã ìmbâ ányâ ró rî 'á rî 'bá yí drí.

¹⁰ Drî-'bá ícã trá tã ìmbâ ányâ lôtolé, tãlâ òjílâ düü bê rî'á gã ÿyî dó tã âtî-âtî pãtîjî Ôvârí kã ârílí. Gō'dá gólîyî jã ÿyî rû rî'á ázî-ázî âdólé tã gólîyî lôsî ákó rî 'bá yî sî, nyãányã lâ rî'á gólîyî rî 'bá tã lâ'bí Yúdã yí kã kã 'balé ì'dî sísí rî. ¹¹ Rî'á ícã-ícã ró tã ìmbâ ányâ gólîyíkã 'dî lôgázó, tãlâ gólîyî rî'á tã lĕ 'bá 'bã-tî ãzã 'bá yî 'ásí rî 'bá yî ñzã'á ndrî tã ìmbâ ányâ 'dî sî. Gólîyî rî ìmbâlâ ìtí kpá lâfâ úsúzó bê drî lâ. ¹² Ndá ägô tã nî 'bá äzã òrî gólîyíkã Kĕrétĕ kã lâfálé 'ásí rî, gólâ pĕ tã trá kî nî rî, “Ämã òjílâ Kĕrétĕ kã rî kárã rî'á tã gólâ ònjô ró rî pĕlé. Ämã rî'á òjílâ òvó ró gólâ rî 'bá ngã nyälé kôrô rî ì'dî. Gō'dá ämã kpá rî'á òzô äligí ämbâ-ämbâ kâtí tã ñsũ ämákã 'á.” ¹³ Gō'dá úlí gólâkã 'dî 'bá yî bê trá pãtîjî ró rî, ìtí rî 'dôvó ní âtã úlí òjílâ 'dî 'bá yí drí, tãlâ gólîyî òjã

* 1:7 1.7 Úlí gólâ Póólô drí ígilí nōngá rî, tî Gîrîkî kã sî rî, tã ífí lâ kî, òjílâ gólâ rî 'bá òjílâ äzî vó ndrĕlé rî. Gō'dá nîngá sî rî, 'dî rî'á úlí gólâ krîstô 'bá drí rî'á zîlã “ 'bísôpô’ ” rî ì'dî.

ró bê drĩ tã lělé Ôvârí 'á pĩpĩsílí ãlô sĩ. ¹⁴ Gõ'dá gólĩyĩ ãâyê ró tã lělé 'í'dígówá ányâ ázâ 'bá yĩ òjílã Yúdã yĩ kã drĩ rĩ'á âtalã rĩ 'bá yĩ 'á rĩ, gólĩyĩ ògã ró kpá dó tã gólĩyĩ òjílã gólĩyĩ gã 'bá trá dó tã pãtĩĩ 'ělé rĩ 'bá yĩ drĩ 'bálé trá rĩ yĩ 'ělé.

¹⁵ Nĩ ndrê drě, òjílã gólĩyĩ rĩ 'bá tã mbĩmbĩ rĩ 'bá yĩ 'ělé dódó cé rĩ ndrê ãyíkã ngá ndrĩ tãndĩ ró. Gõ'dá òjílã gólĩyĩ tã lě 'bá kô tã pãtĩĩ Ôvârí kã 'á rĩ, ngá â'dô gólĩyĩ drĩ ndrĩ tãndĩ ró kô, gólĩyĩ 'ĩ'dĩ rĩ'á tã ònjĩ drĩ ãzálé trá rĩ. Gõ'dá tã ãsũ-ãsũ gólĩyĩkã ãzã rũ kpá trá, 'ĩ'dĩ gólĩyĩ nĩĩ tã gólĩyĩ â'dó 'bá mbĩ ãyĩ drĩ 'ělé rĩ kô'dáwá. ¹⁶ Gólĩyĩ ãmã tã kĩ, yĩ ãnĩ Ôvârí trá, gõ'dá tã gólĩyĩ drĩ rĩ'á 'ělé rĩ â'dã tã kĩ, gólĩyĩ nĩĩ Ôvârí kô ãlôwálã. Gólĩyĩ 'bãã òjílã lówó kô. Gólĩyĩ gã dó tã Ôvârí drĩ 'bálé gólĩyĩ drĩ rĩ 'ělé. Ítĩ rĩ, gólĩyĩ ãcã kô tã mbĩmbĩ rĩ 'bá yĩ 'ělé ãlôwálã.

2

Tã mbĩmbĩ gólĩyĩ òjílã ngĩngĩ ãmbã kã rĩ

¹ Nĩ ání nyãányã Títõ, 'dówó ní 'dê ní ãmbã tã gólĩyĩ â'dó 'bá mbĩmbĩ rĩ, â'dô gólã Ôvârí drĩ 'bálé trá rĩ vó ró. ² Nĩ ãmbã ãgô ãmbã-ãmbã â'dólé ãyĩ rĩlĩ tã ãnjĩ-ãnjĩ sĩ. Gólĩyĩ ãâ'dô tã trõ 'bá ró lówó rũ'bã kã drĩgã sĩ. Tã ãsũ gólĩyĩkã ãâ'dô ãlĩkã ró võ 'ĩ'lĩ dódó. 'Dówó gólĩyĩ òlě tã Ôvârí 'á pĩpĩsílí ãlô sĩ. Ítĩ rĩ, gólĩyĩ ò'bã ãyĩ kpá òjílã lówó, gõ'dá gólĩyĩ fĩ ãdũ ãdũ, òzõ gólĩyĩ ãũsũ lãñõ trá rĩ.

³ Ítĩ rĩ, òkó ãmbã-ãmbã tãsĩ rĩ, ní ãmbã gólĩyĩ kpá tã 'ělé, â'dô ngá tĩbê gólĩyĩ sũ 'bá Ôvârí rũ rĩ yĩ sĩ. Gólĩyĩ ãâ'dô kô tã ngõ 'bá ró òjílã ãzã 'bá yĩ rũ. Ôdrã ãdĩ kô gólĩyĩ drĩ sĩ. Bê-rĩ gólĩyĩ ãmbã cé tã gólĩyĩ â'dó 'bá dódó mbĩ rĩ 'bá yĩ 'ĩ'dĩ ázĩ-ázĩ lã yĩ drĩ. ⁴ Ítĩ lã 'dĩ sĩ rĩ, gólĩyĩ â'dô ãcã'á cú òkó mvã ãmbálé gólĩyĩ ágó yĩ 'dĩyĩmvã yĩ bê lówó lã yĩ 'bálé tãndĩ ró, ⁵ tã trõ 'bá ró lówó rũ'bã kã drĩgã sĩ, â'dólé ãyĩ rũ'bã vó ndrělé dódó, tã 'bã kã rĩ 'bá yĩ 'ezó dódó, â'dólé

õjílã tãndí ró gõ'dá kpá rílí tã âtã ÿÿí ágó yí kã zêlã tã ñnjĩ sí. Òkó mvá gólíyí 'dê 'bá Yésũ vósí rí 'bá yí à'dô ÿÿí tã 'dí 'bá yí 'è'á ndrĩ kâkâřâ, tãlã õjílã õzó úlĩ ònjí âtã tã âtĩ-âtĩ Ôvãrí kã rú tã ònjí gólíyíkã 'dí sí.

⁶ Ítí rí, ní âtã ãgõ mvá drí ngbálí-ngbálí, gólíyí àã'dô tã trõ 'bá ró lôvó rú'ba kã rí drígã sí. ⁷ Ítí rí Títõ, ní drẽ ãgõ mvá ró, 'dõvó ânĩ nyãányã àã'dô tã à'dã tãndí rĩrĩ kã rí ró ãgõ mvá drí tã ndrĩ kâkâřâ ní drí 'elé rí 'bá yí tãsí rí. Ní ìmbã tã mbîmbî ró pîpîsílí tãndí rí sí pãtî rí gõ'dá kpá úlĩ ñnjílí ñnjĩ rí 'bá yí sí. ⁸ 'Dõvó ní âtã úlĩ mbîmbî gólíyí õjílã drí tã âtãzó rú lâ 'á kô rí 'bá yí ì'dí, tãlã ãjú-'bã-ãzí áníkã à'dô ró ãnyĩ ró à'dólé ní drí ãjú-'bã-ãzí ró, tãlã gólíyí ìcã kô tã ányã ãzãkã úsúlí âtálé ãmã krístõ 'bá yí rú.

⁹ Rú ì'bũ 'bá yí tãsí rí, ní ìmbã gólíyí rílí kárã rĩ'á tã ÿÿí lípî yí kã rí 'bá yí àrílí ì'dí. 'Dõvó gólíyí ò'è tã tãndí gólíyí tã lâ drí súlí gólíyí lípî yí rú rí ì'dí tã 'è'è ndrĩ gólíyíkã rí 'bá yí 'ásí. Gólíyí àányã ÿÿí lípî yí tî kô'dáwã tã gólíyí lípî yí drí 'balé gólíyí drí 'elé rí sí. ¹⁰ Gólíyí ùũgũ ngã gólíyí lípî yí kã kô. 'Dõvó gólíyí ò'dé gólíyí lípî yí vó tãndí ró pîpîsílí àlô rí sí. Òzõ gólíyí ò'è ìtí rí, rĩrĩ gólíyíkã dódó 'dí à'dô õjílã 'bã'á tã lèlã tã ìmbã-ìmbã Ôvãrí ãmã pã 'bá ró rí tãsí rí 'á.

¹¹ Má kĩ, krístõ 'bá yí ndrĩ ò'è tã tãndí ró ìtí, tãlã Ôvãrí à'dã pîpîsílí tãndí ÿÿíkã trá ãmã drí àjõ-àjõ Yésũ kã sí, à'dô ró bê yí drí õjílã pãzó tã ònjí ÿÿíkã rí 'bá yí 'ásí. ¹² Pîpîsílí tãndí gólákã lôvó kã 'dí à'dã tã ãmã drí ngã gólíyí sũ 'bá gólã rú kô'dáwã rí 'bá yí gãzó dó, gõ'dá kpã tã lôvókô ãngó drí nõ kã rí 'bá yí gálé dó cú ìtí vó lâ ÿÿí lôbẽ ãkó. Lôvó rí 'dí ìmbã ãmã kpã fî ãtúlí gágã, gõ'dã rĩrĩ mbîmbî rí rĩzó ì'dí, gõ'dã tã gólíyí Ôvãrí rí lúyízó rí 'bá yí 'èzó ì'dí. ¹³ Mã à'dô ìcã'á trá rĩ'á 'elã tãndí ró ìtí, õzõ ãmã kpã zãã lífí 'bã'bã bê ãgõ-ãgõ ãmã pã 'bá Yésũ Krístõ gólã Ôvãrí mbãrãkã gãřã ãmãkã ró rí kã rí drî rí. Òzõ Yésũ ããgõ trá rí, gólã à'dô

ãmbã íyíkâ â'dá'á ãmâ drí. ¹⁴ Gólâ fě íyî nyãányâ trá drälé ãmâ tãsi, â'dô ró bê ãmâ pälé tã õnjí tí 'ásí ndrî gõ'dá kpá ãmâ jílí ngbángbá, tãlâ mã â'dô ró bê õjílã íyî nyãányâ kã ró, cú ítí tã õnjí ãkó cé tã lëlé rízó tã tãndí ró rî 'bá yî 'ëlé î'dî. ¹⁵ Ítí rî Títõ, 'dõvó ní ãmbâ tã 'dî 'bá yî õjílã drí. Ní trá rî'á cú drí-ãcê bê drî-'bá kãníšã kã ró. Ní lôfi mbârâkã õjílã gólíyî ní drí rî'á ãmbálã rî 'bá yî 'á, drí-ãcê ánikâ 'dî sí. Gõ'dá ní sô drí-mbílí kpá õjílã gólíyî rî 'bá tã ányâ 'ëlé rî 'bá yî lífi. Ní áyê õjílã ázãkã kô ãlôwálã vö ndrêlé kôró ní drî sí.

3

Tã rîrî tãndí mbîmbî rî tãsi

¹ Ní âtã tã nô tã lë 'bá yî drí ó'dí, tã lâ ããgã ró bê gólíyî drî, gólíyî õrî tíjí ró mírî íyíkâ zëlé gõ'dá drî-'bá gólíyî ndrî drí-ãcê bê mírî lésí rî 'bá yî zëlé, gólíyî ãârî tã 'bã'bã drî-'bá 'dî 'bá yî kã tãndí ró, gólíyî õrî kâyî vósí cé njãã rî'á tã gólíyî tãndí rî 'bá yî 'ëlé î'dî. ² Gólíyî ããtã úlí õnjí kô õjílã ázãkã rú. Gõ'dá gólíyî õrî 'ã ã'dí sí cú ítí lâwã-lãwã ãkó íyî lâfálé 'ásí. Gólíyî õ'ê tã mánísí ró, gõ'dá kpá tãndí ró õjílã drí ndrî.

³ Ní ndrê ãkú ró rî, ãmâ nyãányâ rî'á ndrî tã nî ãkó lé 'bá ró. Mã gã dó tã Ôvârí kã ãnjílí, lôvó tã ãmãkã rî 'bá yî kã ádô ãmâ trá tã gólíyî ányâ ró rî 'ëlé. Tã ãsü-ãsü ãmãkã õjílã ázã 'bá yî tãsi rî trá rî'á õnjí ró. Ngã gólíyíkã rî 'bá yî ãgî-ãgî ãmâ lífi. Gõ'dá ãmâ ndrî, ãmâ 'alé ádrã trá ãmâ lâfálé 'ásí.

⁴ Kpälé ítí rî, Ôvârí ãmã pã 'bá ró rî 'ê tã gólíyî â'dó 'bá tãndí ró dódó rî 'bá yî rî trá ãmâ drí, gõ'dá gólã 'bã ãmã lôvó ndrî. ⁵ Gólã pá ãmã 'dî kô, tãlã tã tãndí ázãkã ãmâ drí 'ëlé trá rî 'bá yî tãsi. Bê-rî gólã rî 'ã ã'dî nî ndrú ãmã rú. Gólã jî ãmã trá â'dólé ngbángbã tã õnjí ãmãkã rî 'bá yî 'ásí, gõ'dá ãmã 'bãlé õjílã ó'dí gólãkã ró Líndrí Tãndí gólãkã rî

sĩ. ⁶ Ôvârí âfě Línđrí Tândí íyíkâ ãmâ drí, tãlâ Yésũ Krístõ pã ãmâ trá rí drí. ⁷ Ôvârí 'è tã 'dĩ ítí, tãlâ yí 'bã ró ãmâ â'dólé õjílã tã mbĩmbĩ 'bã ró íyĩ lífĩ drĩ 'á tãlã pĩpĩsĩlĩ tãndĩ íyíkâ ãmâ drí rĩ tãsĩ, gõ'dá tãlã mã îcã ró bê lédrě-lédrě ăđũkũ ãkó ãmâ drí rĩ'á lífĩ 'bãlé vó lâ rĩ úsúlĩ. ⁸ Úlĩ ãmákã 'dĩ 'bã yĩ ndrĩ rĩ'á pătĩĩ.

Títõ, mã lě ní drí tã 'dĩ 'bã yĩ âtalé ngbálĩ-ngbálĩ õjílã gólĩyĩ ní drĩ ãmbálé trá 'dĩ 'bã yĩ drĩ, tãlã gólĩyĩ tã lě 'bã ró rĩ 'bã yĩ õ'bã ró íyĩ nyãányã rĩ'á tã gólĩyĩ tãndĩ ró õjílã pã 'bã ndrĩ pĩpĩsĩlĩ ălõ sĩ rĩ 'bã yĩ 'elé ĩ'dĩ.

⁹ Nĩ âyê äzĩ-äzĩ äzã 'bã yĩ kô tĩ õcĩlĩ ní bê tã gólĩyĩ tã ífĩ äkó ró rĩ 'bã yĩ tãsĩ. Gõ'dá kpã gólĩyĩ õ'bã nĩ kô rızó ãmã ä'bıyã yĩ rú ngĩlĩ gólĩyĩ bê. Nĩ õjã tã kô tã gólĩyĩ tã 'bã'bã lâ'bĩ kã ró rĩ tãsĩ. Tãlã tã õjã rĩ 'dĩ rĩ'á cú ítĩ tã ífĩ äkó, gõ'dá pá õjílã kô. ¹⁰ Nĩ sõ drĩ-mbĩlĩ ândãlã rĩ õjílã gólĩyĩ 'è 'bã íyĩ lâfã lônıyĩlĩ äzĩ-äzĩ rú sĩ rĩ 'bã yĩ lífĩ. Ôzõ gólĩyĩ äâyê tã rĩ 'dĩ kô'dãwã rĩ, vó lâ sĩ, ní âyê õjílã rĩ õnjĩ ró 'dĩ 'bã yĩ zãã. ¹¹ 'Dõvó ní nĩ pătĩĩ kĩ, õjílã ítĩ 'dĩ rĩ'á tã õnjĩ 'bã 'ĩ. Tã ĩsũ gólãkã rĩ'á tã nĩ äkó kã ró, ĩzã rũ trá. Tã gólĩyĩ drĩlã rĩ'á 'elã rĩ 'bã yĩ ã'dã tã drĩlã kĩ, gólã rĩ'á tã ányã 'è'á.

Tã ăđũkũ

¹² Mã trá 'è'á Ārítẽmã yĩ jölé Tikíkõ bê ní ngálã, nĩ'á lõsĩ kãnisã kã 'elé tólã. Ôzõ gólĩyĩ õcã trá tólã rĩ, ní ûjũ ânĩlĩ 'wãã ró ãmã úsúlĩ Nıkõpõlĩ 'á, tãlã mã 'bã tã trá nızó rĩlĩ tólã parã gólĩyĩ õzẽ kã rĩ 'bã yĩ sĩ. ¹³ Nĩ ûjũ ró Zẽnásĩ õjílã pã 'bã ró võ tã kĩ kã 'ásĩ rĩ gõ'dã kpã Āpólõ yĩ pãlé äcı gólĩyĩkã 'è'á tólã rĩ tãsĩ. Nĩ pã gólĩyĩ tãlã ngã gólĩyĩ drĩ lělé rĩ 'bã yĩ sĩ ndrĩ. ¹⁴ 'Dõvó õjílã ãmákã rĩ 'bã yĩ ĩlĩ tã gólã ngã fě 'bã gólĩyĩ nyãányã drĩ tã tãndĩ 'ezõ rĩ 'bã yĩ ĩ'dĩ. Gólĩyĩ ĩlĩ kpã tã ngã fězõ gólĩyĩ ĩzã lâ bê rĩ 'bã yĩ drĩ rĩ. Gõ'dã gólĩyĩ õrĩ kô cú ítĩ lõsĩ tãndĩ 'è äkó.

¹⁵ Õjílã gólĩyî ndrĩ má bê nõlé nõ 'bá yî 'ê nî-bê-yã ãnî drí rõõ. 'Dõvó ní 'ê nî-bê-yã ãmákâ õjílã ámâ ãzí-ãzí ró tã lě 'bá, gólĩyî ãmâ lôvó bê ãyî 'á tólâ rî 'bá yî drí ãkí ãkó. Ītí rî, Ôvârí ãã'dô ãní bê ndrĩ. Ī'dî 'dĩ.

Tã-drĩ Lěě Ó'dí Óvârí Kâ

Avokaya: Tã-drĩ Lěě Ó'dí Óvârí Kâ New Testament

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 14 Jun 2022 from source files dated 2 Jun 2022

87931ba7-0e83-5f4d-bd6e-8c45876fc354